



08561

梁溪先生文集卷第一百六十五

特進觀文殿大學士致仕

禮部南

國公食邑

四千四百戶食實封二千七百戶贈太師諡忠

定李綱著

祭文

祭陳瑩中左司文

祭姨母吳宜人文

祭余相公文

祭黃大資政文

梁谿全集

卷一百六十五

祭高祖妣文

祭曾祖妣祖妣文

祭叔祖文

祭翁士特郎中文

祭張次東中奉文

祭許崧文

祭黃子鳳通直文

祭楊侍郎文

祭九弟司法文

祭胡氏妹文

青詞

潭州祭陣亡青詞

降聖筭青詞

藏火設醮青詞

疏

吳江宜境寺齋僧疏

邵武軍泰寧縣羅漢巖設供疏

福州安國院施錦法座疏

梁谿全集

卷百五

潭州薦陣亡水陸疏

福州聖泉院齋僧疏

福州鼓山齋僧疏

福州東山文殊修菩薩疏

藏火設醮青詞

新聖筭青詞

藏火設醮青詞

青詞

祭陳堂中左司文

維年月日具位李某謹以清酌庶羞之奠致祭於故
左司陳公之靈惟公擢秀甲科實自妙齡寢階臚仕
藹然休聲以節義爲防範而行不苟合以公忠爲鑒
裁而物無遜情其在言責抗章論辨不可勝紀而言
之最著者有先知獨見之明其在譴逐險阻艱難無
不備嘗而心不少懈者惟愛君憂國之誠一斥不復
踰二十年而志氣不衰容貌不朽者蓋其所養之厚
脫夫世累怡然委化而了無芥蒂恬無疾苦者蓋其

梁谿全集

卷一百五

三

所造之精嗚呼哀哉天之生賢千載比肩而在理有
不可知者既克生之而不使之有成人之云亡士夫
是悼而在公無可憾者身雖沒而有不朽之令名惟
公胸中素所蘊蓄雖設施之未曾然推原其心夷考
其行合海內之公言古之所謂自任天下之重特立
獨行而不顧者諒非公而誰稱嗚呼哀哉公與先子
平生故人金石之交情均天倫我初識公浙江之濱
忘德與齒襟期自親迨謫沙陽遣問慇懃許與之厚
銘心書紳我歸自南遽遭憫凶孤苦杜門公亦北徙

水相望慰誨諄諄何翰墨之未乾而死生之永分
悵蒼生之失望痛故老之凋淪睠淮楚而隕涕嗟往
弔之無因寓哀情於一奠奠靈爽之或聞嗚呼哀哉
尙饗

祭姚母吳宜人文

嗟嗟夫人令德惟馨嶺於大儒踐揚有聲象服煌煌
帝命是陳教子以義治家以肅內外姻婭罔不輯睦
壽考康寧以受多福我母居長夫人處中德厚相肖
匪惟音容壹範之美士族所宗每見夫人如我母存

梁谿全集

卷百十五

四

密勿恩意從容誨言撫我兄弟猶其子然仕宦契濶
合離不常靡有三年不奉壽觴瞻望顏色退必沾裳
言歸樵溪密邇白衣盜賊紛紛屯結蜂蟻願拜床下
咫尺千里云何不淑掩其歸奠死生之際了然不昏
所養如此餘復何云喪亂以來衣冠流徙子孫在前
還處鄉里始終哀榮萬無一二顧此涼薄失所依歸
終天永訣復見無期陳辭致奠孰知我悲

祭余相公文

嗚呼閩粵輿區實爲晉安巨浸盤礴繞以重山風氣

洋洋是生人傑偉然器度峭拔雄渾天之降材不輕
畀付運鍾半于旦暮之遇沙磧何知與時散聚備茲
五福應厥期數自古在昔治少亂多先民有言勤苦
詠歌其孰如公丁時休嘉巖廊尊榮冠佩峩峩爲政
歷年朝野豐暇山林之思道有用舍辭華之謔古人
弗謝檢身勵行孰逾公者高牙大纛畫繡以歸鎮西
之節前載馳驅穉耄舞歌公慈弗威徒爾蒲鞭忍煩
公治壯猷未愆垂車是則優游一紀第祿靡惑方時
艱虞奔走傾側孰不公卿誰保鄉國我昔未遇公實
薦之遭時奮身庶答無私避地於茲門墻是依如何
不淑奄聞公歸公之降神來自峻極去此列星終古
不沒壽考康寧矧攸好德誰者似之尚論往哲我獨
何爲中心載傷知己之思曷云其亡爰升公堂奠茲
一觴公音弗聞有淚浪浪嗚呼哀哉

祭黃大資政文

維紹興二年歲次壬子五月庚申朔三十日己丑甥孫具位

李某謹以清酌庶羞蔬果香茗之奠致祭於舅翁特進大

資政黃公之靈惟公節行直方學問淵懿致位丞轄鬱爲

名臣盛德元勳載在信史縉紳之士多能言之非某小子所
敢稱述惟我先考乃公之甥孩提而孤鞠於外氏誨誘長
育如已子然甥舅之情世所罕儷顧茲孱陋慶流有衍
幼荷獎知命以名字死生契闊三十餘年遭時艱難
叨任宰輔再奮再躡天實使之誤蒙天恩起自閑廢
俾總師旅往撫南邦假道故鄉恭造墓下敢修薄奠
式薦微誠追懷音容有淚如瀉英爽不泯庶幾歆之

祭高祖妣文

某久去祖塋有疏展省瞻望松梓每深悲懷今者蒙
梁谿全集卷一百六十五

六

恩起自閑廢總師之任道過故鄉謹具牲醪致享墓
下英爽不泯庶克歆之

祭曾祖此祖妣文

某夙承祖慶幸遇明時叨被國恩致身宰輔褒贈之典邦
有彝章世路艱難久疏展省瞻望松梓心焉永悲今蒙聖
恩起自閑合總師之任道過故鄉焚黃之禮其曷敢廢謹修
薄奠式薦微誠追懷祖風有淚如雨英爽不泯庶克歆之

祭叔祖文

惟靈純德懿行鄉閭所推壽幾百年五福兼備某以

迂拙素荷愛憐自歸甌閩久欲瞻省願莫之遂盜賊
阻之今蒙主恩起自閑廢總師之任取道故鄉拜公
於堂但見遺像敢陳薄奠式薦微誠追懷平生涕淚
如瀉英爽不泯庶克歆之

祭翁士特郎中文

嗚呼士特何遽然也文追古人識超當世而蹭蹬場
屋蹉跎仕途者豈非天耶大器晚成壽考是宜爲杞
爲梓如璋如圭云胡不淑而止斯耶武夷之山盤礴
坤倪獨鐘秀氣扶摘杳微玉佩瓊琚以昌其詩所以
梁谿全集

卷頁十五

七

垂不朽者在茲耶惟我與兄爲外昆弟角相從
情均同氣我鈍而魯兄敏而慧每策駑蹇以追騏驥
我忝近司兄止耶位茫茫大鈞孰能問以此意耶喪
亂以來親朋凋墜平生故人半爲新鬼衰疾憂病憂
患之餘亦豈能久於此世耶罷帥言還邇兄故栖撫
棺視定事與願違聊陳薄奠侑以此詞英爽如在庶
幾能聽之耶

祭張次東中奉文

惟靈夙負才氣勇於敢爲踐揚之久蔚爲吏師胸中

磊落百未一施謂宜壽考而止於斯某以姻婭素蒙
炤知別多會少形止神馳近者宣城尺素見貽翰墨
如新音容已非聞問傷感心焉交悲罷帥言旋邇公
故栖撫棺視窆事與願違聊陳薄奠侑以此詞英爽
如在庶幾聽之

祭許崧老文

嗚呼天地磅礴河岳炳靈篤生異人鬱爲世英長松
老鶴其儀形也粹玉精金其性情也澄淵藻鑑燭理
明也設準持衡稱物平也經緯書史文章成也貫通

梁谿全集

卷百十五

八

古今議論閎也金石鏗鏘詩句清也鸞鶴翔翥字畫
精也勇於爲義去就輕也憂國如家秉忠誠也致位
通顯不自榮也恬淡寂寞得此生也士一於此垂世
立名而公兼之以大其聲嗚呼哀哉易道陽陰消長
盛衰春秋名分褒貶是非彌綸天地立萬世規先聖
制作孰大於斯公獨潛心抉摘杳微解駁三傳糝糠
九師發明象數得其指歸義畫麟經祭焉有輝嗚呼
哀哉漢有祿隱時惟子雲英材拔萃高識邁倫擬古
著書法言太元士有異論或否或然公獨好之推尊

其人訓釋微詞粵義一新所見絕俗豈其後身嗚呼
哀哉我之識公踰二十年史館同僚飽聞緒言樞府
槐堂兩接宮聯引身而退歸騎連翩我謫湖外公寓
江邊邂逅相遇廬山之樊握手深談達旦不眠我謫
嶺海觸冒瘴烟與死爲隣鮫鱷垂涎尺書屢及夫豈
相憐迨其北歸喜見顏間願言相從杖履林泉云何
奄忽朝露溘先傷心涕零三友之篇嗚呼哀哉國步
艱難賢知驅馳梁棟之壞哲人遽萎藐然一老天不
憖遺人之云亡有識同悲旅櫬漂泊臨川之涓無適
梁谿全集

卷百五

九

聽之

祭黃子鳳通直文

君天資孝友端恪溫良稟義方之訓而承積慶之遺
芳也刻志好學習爲文詞欲自樹立以爲先德之光
也試吏江浙通籍於朝雖未顯大庶幾自微而浸昌
也相期仕途一日千里如騏驎綠駟得大道而騰驥
也何意盛年奄隨物化如芝蘭擢秀而遽頽於巖霏
也中扁靜專知所依向臨化不怛何遺音之琅琅也

聖泉之岡雲樹蒼蒼山高水長注安其藏體
歸於土魂氣無不之何必返於故鄉也喪亂以來艱
難相依死生契濶重予懷之悲傷也殺核在盤酒醪
在觴終天永訣不知涕泗之滂也

祭楊侍郎文

嗚呼天未喪道斯文獲傳必有先進老成足以師表
於一世而其深造自得實與古人乎比肩是能陶冶
後學收功當年茲儒者之極致在立德與立言惟公
挺質粹溫圭璋曄然早飛聲於入雒極師友之淵源
梁谿全集

卷一百一十五

十

顧茲道之未墜企聖域而高騫方世路之孔棘安窮
約而廻迥偉名流與鉅德咸願學而推先逮夫逢辰
遇合直道而前抗崇議於諫省持從橐於甘泉跌而
復起守則不遷全高節於歲晚知孤操之特堅雖佚
老於燕閑曾不廢於簡編閔國步之多艱每憂心於
元日喪亂以來耆舊凋落惟公在焉雖年逾八十不
爲不壽備享五福不爲不全然士夫之所以期公者
益庶幾衛武之箴做尙得顯言行於邱園何忽去此
而不顧世豈有如公之以賢乎嗚呼我之與公久茲

周旋公相知心忘德與年瞻儀型而詠歎覺疵吝之
皆痊信有斐之君子知至善之弗謖慨三山之前約
下荔子之初丹何尺書之未久遽永隔於終天日月
有期蕭焉新阡遙馳誠於一奠悵此意之奚宣公之
死爲不朽矣惟其愁遺之悲則有涕泗之漣漣

祭九翁司法文

惟靈天資純茂孝友溫恭雖曰未學內行則充掾於

吳興風績甚著摘發姦伏已有顯譽江浙弗靖徒居
閩溪昆季相從如墳如篋雖攫疾疢不廢言笑藥餌

梁谿全集

卷百空五

十一

之扶尙期壽考我來江南再三惜別言則涕零如將
永訣閱時未幾遽聞訃音心焉如割慟哭沾襟言念
先叔友于先公施及後人有來雍雍凡今之人莫如
兄弟弟弟之美吾家爲懿汝少先往吾衰幾何閱水
成川前後之波雖天何傷雖壽何羨幻化茫茫晝夜
之變千里致奠聊寫我哀無滯南方魂兮歸來

祭胡氏妹文

嗟嗟我妹令德柔嘉嬪於大族克宜其家良人不弔

中道先逝諸孤藐然皆親訓勵虜騎擾華衣冠南奔

挈族相依徙居於閩甘苦同之七年於此弗安異鄉
日念桑梓久搜癘疾藥石弗痊我來江南臨別悽然
訃音之聞相去半載尙想平生音容如在言念先叔
一子一女相繼而亡何遽如許天道茫茫不可致詰
或壽或夭孰得孰失諸甥滿前責在外家飲食數載
情當有加庶羞在俎旨酒在卮千里旣奠孰知我悲

青詞

潭州薦陣下青詞

伏以潭爲會府地居上流自經豺豹之爭無復江山

梁谿全集

卷百十五

十三

之勝宸心眷顧帥閫疇咨非特慰扶杖之遺民益欲
追備胡之箭烈消辰視事問俗興嗟拾瓦礫而橫棟梁
強名舊治聽邱墟之號風雨坐感棄骸敢迎羽服之
侍共演琅函之秘殫精誠而上叩冀幽顯以同休天
德好生重開於壽域人情厭亂各保於豐年大振威
聲克平醜虜回兩宮之鑾輅奉萬乘於神都未報國
恩誰識愚臣之此意仰憑洪造庶收薄效於當時臣
無任

降聖節青詞

繩二年歲次壬子十月戊子朔二十四日辛亥具
位臣李某等伏爲降聖節禮詔旨於天慶觀命道士
三七人開啟靈寶道場七晝夜設醮一座供養香花
燭酒菓藥苗謹稽首上啟三清無極大道太上開
天執符御歷合真體道昊天玉皇上帝紫微天皇大
帝紫微北極大帝伏以重明繼照純孝奉先祇若舊
章欽崇令節命幅員之守長伸醮祭於淨壇臣等忝
布詔條用循科式伏願大靈昭鑒丕應響臻偃草包
戈永綏於羣品餘糧多稼屢獲於豐登凡在飛潛必
梁谿全集

卷三十五

繫亭有臣等無任

藏火設醮青詞

曲突徙薪人事雖存於警戒熒惑退舍天心易變於
嘉祥爰念此邦實爲都會比歲淪於塗炭遺民起於
瘡痍百雉城闔鞠惟榛莽萬家闔闔半是茅茨元冥
方迫於隆冬回祿屢驚於中夜顧有司之失職歎赤
子以何辜輒罄精以干鴻造望雲霄而設次輸肝膽
以投詞伏願上界薄臨衆真交會閔三湘之分野菑
害荐臻回九曜之威靈恩光下燭存祥風而一扇俾

和氣以同游加惠羣生永成樂土

疏

吳江宜境寺齋僧疏

右伏以來投世網已緣一念之差仰冒天威何翅萬鈞之重姑從薄謫皆荷寬恩今則千里去家單車上道割父子兄弟之深愛方險阻艱難之備嘗非仗勝因曷獨往咎用是度以梵刹嚴供名流莫資懺悔之功爲洗妄言之罪伏望能仁覆護大智照臨萬水千山行無雨雪之阻一門百口居有祿壽之祥誓竭誠

梁谿全集

卷一百五

十四

心歸依妙覺謹疏

邵武軍泰宜縣羅漢巖設供疏

右伏以因心授法一燈傳於千燈會法歸心千月攝於一月所以五百大士咸悟客塵十八尊者爲之領袖結集耑窟飛錫天台凡山林幽邃之區多仙聖棲隱之地惟豐巖之勝境乃古德之道場洞壑鼎峙而相連殿閣翬飛而交映宜應真之是宅垂妙蔭於一方而某誤蒙國恩歸自海島病牛卧隴嗟微力之已疲脫免投林莫餘生之或保虔修珍供以結勝

因祝一人萬壽無疆之休篤四海羣黎咸宜之慶最
然族屬亦獲保安仰祈大覺之無私克鑒斯誠之有
在謹疏

福州安國禪院施錦法座疏

右伏以毗耶離城嚴飾八萬師子之座普光明殿宣
說百千三昧之門必假勝緣以作佛事前件錦曩出
靖康之御府今施安國之叢林枯木禪床已有輪菌
之質拈花妙悟何妨文采之彰莊嚴龍象筵開示人
天眼願敷法席大振潮音少普潤於合生皆速登於

梁谿全集

卷百五

五

正覺謹疏

潭州薦陣亡水陸疏

右伏以犬戎犯順至流毒於江湖鼠輩乘時敢竊窺
於州縣顧此星沙之分重罹兵火之餘上軫主憂大
開帥府念方宣於恩德豈或間於幽明卽州治之新
成啟法筵而致潔庶憑佛力俯協人謀伏願勝氣高
臨衝風自息憫冤魂之忠義早見大平轉樂歲於艱
難助成遠略伏惟三寶證明謹疏

福州聖泉院齋僧疏

右伏以聖泉禪老法席初開采溪病叟寓居密邇雖
白蓮花社陶潛不造詣於遠公而毗耶離城師利每
問訊於摩詰雲尚在望鐘鼓相聞結苾芻之勝緣供
蒲塞之淨饌金毛獅子踞高廣坐以嚙呻多寶如來
現久遠瑜而讚歎晉祈大眾早悟真乘謹疏

時共福州鼓山齋僧疏

右伏以名藍清淨雄踞海山寶閣巍峩肇新棟宇五
百大士於焉而相息八部龍神亦爲之欣歡大頂峯
前覺林巒之秀發靈源洞裏增泉石之幽奇成此勝
梁谿全集

卷百零五

六

緣實爲盛事大比丘有神道之妙力病居士以慶贊
而特來揚狀若之宗風供蒲塞之香饌浮杯飛錫應
真豈憚於遠臨展鉢開單清眾聊同於一飽集茲殊
利共結良因四境奠安永豐登於今歲闔門清吉導
福祉於新年三寶證明萬靈昭鑒

福州東山文殊修菩薩疏

右伏以惟妙吉祥真法王於毗耶城裏宏開不二之
門清涼道邊妙發前三之語摩善財頂則寶臂出於
雲表試解脫心則金色現於空中以大智接羣生以

至神應諸感真風宛若虛響昭然當院古德道場東
山勝地有菩薩之像設乃異人之規模妙相瑰奇獨
冠他刹金沙璀璨呈瑞一方然而歲月既深崇奉殊
闕殿宇荒廢供具蕭疏欲興久廢之良因必仗大心
之檀越伏願縉紳賢士福德高人特推喜捨之心共
入莊嚴之會各隨願力寵示芳銜謹疏

梁溪全集

卷一百五

十七

梁溪先生文集卷第一百六十五

梁溪先生文集卷一百六十六

特進觀文殿大學士致仕隴西郡開國公食邑
四千四百戶食實封一千七百戶贈太師諡忠
定李綱著

碑

豐應廟碑

宋故龍圖閣直學士許公神道碑

梁谿全集

卷一百六十六

一

宋故龍圖閣直學士許公神道碑

豐應廟碑

碑

宋李綱著

四千四百戶食實封一千七百戶贈太師諡忠

特進觀文殿大學士致仕隴西郡開國公食邑

梁谿先生文集卷一百六十六

豐應廟碑

大觀四年邵武者老與士夫之里居者相率言於郡守曰去城一里餘有廟曰石岐載在祀典禱祈屢應願以聞於朝丐所以褒封答神貺者郡守委僚屬者驗不誣上其事部使者部使者以聞其明年改元政和夏四月有勅以豐應爲廟額鄉人荷神之休榮上之賜求予文以記之義不得辭謹案舊記五季後唐時有陸侍郎者其子小字大巖失其名博學善鼓琴雅不以各宦爲意會其父執某牧南安遂從戎口駐

梁谿全集

卷一百六

一

溫陵者累年旋歸假道邵武之故縣艤舟水南遇疾而沒瘞於石岐峯下旣而頗出靈響鄉人畏仰爲建廟以祀之因號石岐廟凡水旱蝗螟之災癘疫之疾必齋誠以禱之歲卽豐穰癘疫亦已信能擅一方雨暘生殺之權以芘蔭斯民者自後唐迄今踰二百年廟貌益崇而神之靈響益著用能受明命膺顯號以傳無窮而施罔極豈苟然哉夫人神之理一也生爲偉人聰明正直功利在民則必沒爲明神英爽不昧爲民之所瞻仰不可誣也若神者雖其平生行事不

可詳考然既沒之後英爽如此是必有大過人者予
既書其事又作迎享送神詩遺鄉人俾歌以祀焉并
刻之石其詞曰
石岐蒼蒼兮樵水溶溶溪山幽邃兮維神之宮
一方兮實尸其功克受明命兮膺此褒封神之來兮
慰我思乘回颺兮載靈旗風肅然兮吹室帷惟神之
往兮將安適帥百靈兮巡四域求民瘼兮振厥職朝
出遊兮暮來歸酒醴潔兮牲牢肥簫鼓鳴兮清且悲
維神之樂兮毋我違已癘疫兮驅螟蝗調水旱兮時
梁谿全集

卷一百六

三

雨暘歲豐稔兮民壽康維神之德兮何時忘

宋故龍圖閣直學生許公神道碑

元愷十六族以明允篤誠忠肅共懿世濟其美不隕
其名舉於虞舜之朝而漢唐名臣父子相濟令問休
顯光明於時者多矣或以勲業奮或以行義稱或以
文章顯或以經術名蓋不一途非特爵位崇高門閥
光寵如漢之韋平唐之崔盧李鄭而已本朝衣冠之
盛父子之懿世不乏人文定許公當仁廟嘉祐中廷
對爲天下第一歷事五朝踰四十年入位丞相出擁

節旄其勳業行義經術文章皆兼備之爲當世之所
瞻仰有子龍圖閣直學士公能世其家聲以妙齡取
高第結主知以壯年登侍從典藩屏文學政事士林
推服殆所謂奕世載德不忝前人者歟公諱份字子
大文定公第八子也曾祖諱某祖諱某皆贈太師越
國公會祖妣某氏祖妣某氏皆贈越國大夫人考文
定公諱將當上皇朝自門下侍郎出西洛移鎮北
都建奉國之節再任召還爲祐神觀使薨於京師亦
贈太師越國公妣林氏贈越國夫人合葬於開封府

梁谿全集

卷百三十六

四

陳留縣河口鎮許氏之先出自姜姓太嶽之後漢唐
以來代有顯人公之高祖崇國公諱遂五季時自光
之固始徙居於閩世以隱德爲鄉閭所尊至文定公
魁多士位執政赫然光榮許氏遂爲閩之著姓公生
而岐嶷不羣和粹靖莊雖在幼稚已有成人風及長
勤於子職以其餘力積學於文蚤夜不倦文定公鍾
愛之爲右承務郎求監國子監書庫職事旣簡因得
與豪傑遊以博見聞一試禮部不得已卽杜門謝絕

人事益務讀書凡經史諸子百家之言靡不究觀國

朝典故尤所諳練學日益進淵源根柢沛然莫之能
禦上皇登極覃恩轉承務郎太常寺奉禮郎審勘轉
承事郎遂中崇寧二年進士擢甲科上皇親覽對策
稱嘆有旨召對便殿文定公時在政府固辭上皇曰
卿子以獨對爲嫌乎卽命甲科進士皆引對前此未
之有也上殿敷奏稱旨除秘書省校書郎未幾除兼
實錄院檢討官又兼國史編修官不數月間三被除
命皆文字職士大夫歆豔公風度凝遠進止詳華議
論該洽上皇雅器重之左史有闕命以公補其職文

梁谿全集

卷百六

五

定公引嫌辭於楊前歸以語公且觀其意公具道所
以不可者願堅辭免陳義甚高文定公曰汝他日遠
到未可量也卽上疏力辭不宜父子叨榮取譏公議
上皇雖勉從所奏猶虛左史不除人者歲餘明年文
定公保釐西都公辭所領職丐宮祠以便養親得主
管鳳翔府上清太平宮上皇嘉其純孝特除直秘閣
轉宣教郎以預修哲廟寶訓進秩轉奉議郎文定公
鎮北門公以秩滿至京師復請宮祠上皇特命遷直
龍圖閣主管提點嵩山崇福宮以入寶恩轉承議郎

加武騎尉繼除公鴻臚少卿公以親老懇辭切至除
主管亳州明道宮文定公以祐神觀使被召復除公
前職加雲騎尉轉朝奉郎未幾文定公寢疾公侍奉
雖劇暑不解帶藥餌皆親嘗然後進居喪哀毀骨立
結廬墓傍手書佛經以報服除拜宗正少卿新玉牒
殿勵國子嚮學中第者至數十人公上疏請如漢唐
故事錄用宗室上皇嘉納未踰月擢用二十餘人自
後乃有登禁從者其樂成就人材如此轉朝散郎朝
請郎在卿寺七年特除徽猷閣待制提舉萬壽觀同

梁谿全集

卷五十六

六

修國史出知鄧州兼點西南路安撫使轉朝奉大夫
特封閬縣開國子食邑五百戶公在鄧四年政尚寬
簡鎮以清淨聽訟務達下情予決皆出已點吏無所
容其奸居一年民相戒不犯庭無留事一路獄空者
八十餘縣鄰路歲饑流移滿野有詔賑濟公親爲處
畫列舍屋具器用別旗物鳴鼓而食之每三日一親
臨視勞問病苦給以醫藥如此凡十月活饑民三萬
六千餘人上皇批諭褒稱以謂古之良吏無以過也
轉朝散大夫鄧有百花洲人歲時遊賞之地其西

爲太守蔬圃公命拔蔬建堂與民同樂人情欣悅及罷郡赴闕民遮道泣留遂立祠於堂上時謂無愧古人還朝提舉萬壽觀上殿論時政得失言頗激切上皇稱善而用事者不喜力排阻之上皇曰此許將子文學政事能世其家朕舊知之讒乃不行時相猶私遣人謂公曰上以公南陽之政欲再除要郡宜自擇公曰朝廷任使何敢擇地願得鄉郡以便歸老及除公蔡州公亦不辭而行進封開國伯加食邑二百戶蔡人狃於習俗嚙頰無賴因推剽爲盜衣冠子分亦

梁谿全集

卷百六

七

冒法公至郡痛鋤之而羣盜盡奔闔境以盜風俗大變嘗有欲爲不軌者揭榜於道人情搖動公召捕盜官指授方畧不數日黨與悉擒人以爲神明上皇優詔獎諭轉中奉大夫是時維揚帥臣相繼以劾罷州事不治上皇念無以易公者除知揚州兼淮南東路兵馬鈐轄轉中大夫加食邑二百戶過闕請對條上時政得失二十事上皇百獎其學有家法且嘆惜支定公嘗召還而薨繼之遽不得一見也公感咽稱謝又問兄翁幾人皆官何地公具以對有青除公徽猷

閣直學士翁德直秘閣仔任皆寺監丞公固辭不獲
因奏請曰陛下不以臣不肖使待罪維揚付以一路
重寄臣聞本路士民之居凡有花木竹石皆爲應奉
司封記人情騷然願罷之又言揚爲東南一都會唯
有江都天長兩縣不足以給經費願以泰之泰興復
爲屬又近年經賦之外增上供九萬四千餘石民不
堪命願如政和三年舊額上皇皆可共奏陛辭日宣
諭文定公首預定冊之功因賜御書墓表曰兩朝廓
亮翊贊良臣文定許將之墓且指翊贊良臣四字曰

梁谿全集

卷一百三十六

八

此不易以與人公泣謝而退轉太中大夫初文定公
以學士帥維揚年四十五及公來帥年職相若縉紳
榮之淵聖內禪覃恩轉通議大夫金人犯闕上皇南
幸達於維揚倉卒中公一切躬自料理以州治爲行
宮供帳雜物種種畢備不擾而辦設幕次於行宮之
傍以宿衛上皇嘉之命公彈壓行宮一行軍馬及議
欲渡江公力言不可願歸安天下之養以慰嗣聖孝
思副中外之望上皇乃留后妃親王帝姬委公護衛
一幸鎮江而還淵聖知之降詔褒諭除公龍圖閣直

學士再任其冬金人再入寇公檄一路兵入援解亳州之圍漕糧以給東道總管司千里不絕時諸路勤王之師空集所過州郡多不聽入城獨公啟城闔聽其自便且躬加撫勞人人悅服及聞二聖北狩號絕仆地移時始蘇得大元帥府檄書謂僚屬曰此真主也卽上表勸進上卽位於南都表請移蹕維揚優詔不允軍恩轉通奉大夫進文安郡開國侯加食邑二百戶食實封一百戶有旨召赴行在公以遭時艱難積憂成疾力請官祠遂提舉亳州明道宮由浙江以

梁谿全集

卷一百六

九

歸闔中謂子第曰先公平日常使子孫異日無忘鄉里今得從先志幸矣率子第上冢見耆舊爰老盡鄉黨之禮日與里中賢士大夫游每有慶吊不問遠邇戚疎必從鄉人之後於外氏恩意尤篤朝廷所賜東山大乘寺各剎也極林泉幽勝延致高僧居之與爲方外友蕭然安於閑靜不復有仕進意秩滿再請官祠轉正議大夫加食邑三百戶疾作上章告老轉正奉大夫致仕未被命而公薨於城東僧舍享年五十有五寶紹興三年十月二十有八日也訃聞天子嗟

悼贈金紫光祿大夫公娶三衢趙氏少師清獻公之孫大僕卿帆之女淑惠有賢操相待如賓先公百餘日終公篤於伉儷所以送終者無所不用其至已而公亦相繼捐館人尤哀之男六人長曰沆任通直郎主管江州太平觀次曰沛次曰泳任承仕郎監潭州南嶽廟次曰汶曰沐曰注皆承務郎沛汶沐注皆早卒女六人長天次適迪功郎宣州宣城縣主簿王子澤亦先公卒次適承事郎江南西路安撫大使司主

管機宜文字葉程次適修職郎黃濛二人在室孫七

梁谿全集

卷一百三十六

十

人柄棟皆登仕郎棣杆皆承務郎桂早卒裾尙幼孫女五人初文定公以翰林學士知貢舉有告貢院事非所干預者文定公以身庇之不復自辨出知蘄州既而公生文定公喜見顏間曰吾以庇人而獲譴慶鍾是子其能世吾家乎公爲人愷怡樂易純明端恪遇事待物一以至誠其在南陽湍河溢水暴至將冒城郭公登城焚香投文於水中俄報河復道在淮西歲杪無雪齋祈備至寔有告之曰雪降家人之憂亦然及開戶雪已積矣每甬場愆期躬禱神祠應響

如答未嘗不易蓋而歸也典三大藩所至吏畏民愛
去必思之與人交久而益恭雖祈寒隆晃未嘗見情
容僕使之 亦皆附以恩意氣貌溫然出語未嘗傷
人至論天下事靛亮不屈疊疊可聽性倜儻喜思人
之急遇賓客曲盡情禮在維揚舟車絡繹公帑不給
則以家庖私藥繼之不少靳也資產素豐坐此常窘
自兵火以來江北田宅蕩盡而公燕閑山林食客未
嘗不滿座薨謝之日家無餘資其輕財重義類如此
文定公常以任子恩兩奏族人之家不及祿公遇郊
禮復奏其子且勉使成人族女有未嫁者必爲之經
營使得所歸鄉閭閒無貴賤老少待之如一皆得其
歡心迨襄事至空井邑送之人人爲流涕可謂篤行
君子矣崇寧閒用事者欲變祖宗法度文定公力持
之使不得逞因出之於外其後上皇悔悟欲復用而
不果有意於公又爲權臣沮抑卒不克有所施設以
盡其才有識者所深惜也有文集四十卷藏於家諸

孤等卜葬地於懷安縣感應鄉欽德里山川氣象深
秀雄偉以四年十一月甲子與淑人合葬葬之日久

兩爲霽人以爲積德之報子孫之興殆未艾也某大
觀中識公於京師宣和末復相遇於維揚迨靖康秋
自樞庭乞郡實與公爲代然猶未款也紹興初來寓
長樂遂得與公遊從陪杖履山林間從容燕笑情好
甚篤嘗竊歎其眞天下長者臨其喪哭之爲慟諸孤
狀公行事乞文於碑以告神道義不得辭且系之以
銘曰

白屋起家奮身孤寒困而後達未足爲難公世富貴
自強學問力取巍科以躋禁近少長鄉曲謙恭遜悌
梁谿全集

卷一百六

主

間里推稱未足爲美公貴還鄉與俗浮沈無小無大
得其歡心惟文定公被遇五朝公克紹之德音孔昭
風度粹夷襟懷曠達溫溫君子旣明且哲後知聖主
讜言屢對有嫉之者卒擯於外遇事接物一以誠純
雖褻必貌旣久彌彰鄧蔡之政猛寬異宜吏畏民愛
服其設施帥於維揚值時艱棘不擾而辦盡瘁事國
安分知足退閑林壑蕭然自得遺此寵榮宜享遐齡
尙膺顯報遽返其眞縉紳是悼慶流有付子孫詵詵
嗣有興者復大其門勒銘豐碑昭告隧道百世之下

斯文可考

梁谿先生文集卷第一百六十六

卷一百六十六

七

安分

服其

世文四

梁谿先生文集卷第一百六十七

特進觀文殿大學士致仕隴西郡開國公食邑

四千四百戶食實封一千七百戶贈太師諡忠

定李綱著

墓誌一

宋故朝請郎朱公墓誌銘

宋故追復龍圖閣直學士贈少師錢公墓誌銘

梁谿全集

卷一百六十七

宋故追復龍圖閣直學士贈少師錢公墓誌銘

宋故贈翰林學士公墓誌銘

墓誌一

宋李綱著

四千四百戶食實封一千七百戶贈太師諡忠

特進觀文殿大學士致仕隴西郡開國公食邑

梁谿先生文集卷第一百六十七

宋故朝請郎朱公墓誌銘

公諱蒙正字養源姓朱氏其先宅州永城人也十世祖仕閩樂邵武故縣溪山之勝因家焉遂爲邵武人曾祖諱貫贈承事郎祖諱浦父諱藻累贈通議大夫通議公娶故贈太師黃公諱汝濟之女資政殿大學士諱履之姊累贈碩人生五子公其長也少豪邁年甫冠始折節讀書下筆爲文語輒驚人其舅大資公見而奇之許以能立公益自淬勵徒步入京師寓太學凡十年所與遊皆一時英俊元豐中擢第中乙科

梁谿全集

卷一百六十七

二

釋褐調揚州江都縣主簿公曰古人以三釜及親爲喜今俸祿雖微足以奉甘旨足矣性識強敏遇事不少懈每聽訟必得其情而後斷之以法令以其能委以縣事公亦自任不疑以故江都辨治監司薦於朝遷南康軍都昌縣令其治都昌如江都尤惡其下植黨以傾善良告誡弗從卽痛以法繩之風俗爲革未幾丁母憂服除授衡州茶陵縣丞茶陵劇邑久闕令倉庾圯壞吏緣爲姦租賦不時入公至領縣事卽條畫申陳久不報公歎曰此令丞職也何俟報爲亟命

完葺倉庾爲之一新謹視出入奸弊遂絕租賦皆不督而辦歲旱公祈禱齋戒精潔雨隨車而至遠邇霑足民大感服秩滿用薦舉改官從辟知定州安喜縣時元符三年秋也坐茶陵任內請般家人庸錢奪官授鼎州龍陽縣令丁通議公憂大觀初始雪正前事復官除知開封府長垣縣未數月差通判火山軍秩滿造朝權司農寺丞通判德順軍賜五品服政和四年秋以疾丐致政明年夏從官薦公康強有風力請復任上從之差提點信州上清宮改成都府長生觀

梁谿全集

卷一百六十七

三

遂寓居於潁尾八年夏得疾至七月十二日不起享年六十有四累官至朝請郎娶傅氏累封安人二子長曰康年以公致仕恩補將仕郎次曰唐年一女適俊士葉裕民公持身廉慎性質直不自表暴恂恂如不能言而胸中是非了然其在茶陵不能阿事上官爲當路者所不悅摺撫細故卒以法中之然遷人以般家人庸錢○法所聽也後卒雪正公坐此困躓累年而剛直○○○及倅德順太守賦入越常例遺之甚厚公辭不獲悉以所遺寄於公帑凡闕歲太守聞

而訝之公不自辨釋以病告而歸其後大守坐不法
除名而公無毫髮之累識者韙之公平生志氣高遠
常持隱忍就功名之說欲有所爲而仕宦齟齬卒不
如志其可悲也已諸孤從其治命扶柩歸邵武將以
宣和元年己亥十一月初四日葬於永城鄉將堂之
原先期公之弟朝請郎紹狀公行義使某爲之銘某
視公爲外叔父義不得辭銘曰

朱氏之先 有功於閩 十世其昌

公爲開人 學優而仕 以廉以勤

梁谿全集 卷一百六十七 四

雖或寧之 而卒以伸 往倅邊城

力辭饋遺 告老而歸 則莫我累

凡今之人 顧利忘義 聞公之議

胡不少愧 蓄則厚矣 未窵厥施

謂宜壽考 而止於斯 返葬茲鄉

宅兆是宜 告於後昆 篆此銘詩

宋故追復龍圖閣直學士贈少師錢公墓誌銘

京師浩穰自古難治非聰明足以剋制繁劇智略足

以摘發奸伏仁惠足以牧養小民威嚴足以震服豪

右未易稱職漢有趙張二王唐有許孟容李峴吳縉
之流隱然有聲不過數人以是知其難也國家都汴
尹天府者多名卿才大夫位天子之侍從然獨會稽
錢公政事號爲本朝第一公之尹京前後凡三當天
下以安四方人物之所聚權貴戚屬之所居姦人巨
猾之所容依憑城社關機開闔干撓法制莫敢誰何
而黠胥猾吏舞文玩法乘隙射利情僞百出爲尹者
鮮不墜其術中獨公於詞訟喧囂簿書倥偬之間從
容談笑而辨幽隱曲折盡得其情吏不能欺而予奪

梁谿全集

卷一百六十七

五

一出於己無敢議者其政尤務抑強扶弱緣飾儒雅
不專以杜後惠文從事勢家犯法不少假借而下戶
無告有所依歸良民誑誤多所平反而豪俠巨蠹必
深鋤治當時士人有爲政事錄者所載百餘事類皆
出人意表世謂神明之政自非兼聰明智略仁惠威
嚴之資有大過人者疇能及此宜乎聲稱烜赫至今
不泯與漢唐名臣相望而無愧也公諱勰字穆父吳
越武肅王五世孫自從曾祖忠懿王俶歸朝廷今爲

開封人曾祖侑晉故諸道兵馬大元帥吳越國王累

贈太師尙書令兼中書令天下兵馬大元帥曾祖妣
江氏某國太夫人祖易故任翰林學士尙書左司郎
中知制誥累贈太尉祖妣盛氏平陽郡君贈某國太
夫人考彥遠故任起居舍人直集賢院知諫院累贈
太尉妣丁氏濟陽郡君贈吳國太夫人公生有奇表
神氣秀發未成童日誦千言及長博聞強辯卓犖不
羣諫院公捐館舍公以遺表恩推與其姊之夫張升
卿而刻意力學以期自立從叔父修懿公明逸質問疑
義修懿公愛之奏授將作主簿皇祐二年調監陳州

梁谿全集

卷一百六十七

六

糧料院復歷廬睦壽蘇等州酒官雖在權酷喧冗
間手未嘗釋卷嘉祐八年詔以六科舉士翰林沈學
士文通薦公應賢良方正能直言極諫科會仁宗升
遐罷舉治平三年文通又以公應詔熙寧二年始召
試以第二人過閣及廷對制策極論新法忤執政意
與孔文仲俱被黜還任自是遂罷制科名望益崇有識
者韙之明年秩滿赴選部會朝廷檢舉治平從官應詔
所薦滯淹未舉者公名居多或沮公以五任監當無

課最可稱大臣有薦者曰錢某豈監當材耶詔許以

五任關陞且試劇邑除知開封府尉氏縣治聲流聞
擢流內銓主簿官長陳襄以公所造班簿進呈神宗
稱之襄曰非臣所能也主簿錢某爲之耳有旨令東
上閣門引見上殿既對敷奏拜旨許以清要宰相王
安石遣其弟安禮謂之曰能一冠豸乎公謝曰家貧
母老不能遠行安石知不附已猶除三司鹽鐵判官
提點四園苑提舉帳司點檢南郊一行事務又詔措
置帳法數因事賜對滋被眷知詔迂送虜使明年以
國子博士除京西路提點刑獄公事秩滿徙河北又
從京東代還復除鹽鐵判官元豐二年借太常少卿
使北虜還奏上前論契丹形勢盛衰之理深切著明
上熟復其言會五路軍興除陝西都轉運使專主饋
運兼制置解鹽公卽日就道留家京師上每旬必遣
內人至第問太夫人安否公在關中轉餉如期無擾
於民嘗躬督飛輓夜行坐界中百餘里冒險無所畏
避訖事還長安丁內艱奔喪哀毀骨立上遣使勞問
賻給加等時元豐四年也五年官制行上先於左司

郎中格目內書公姓名遂降誥閣門俟公釋服明年

梁谿全集

卷一百六十七

高麗國王薨來赴上思得公奉使詔起復赴闕公具
奏堅請終喪不允特借左諫議大夫充高麗弔慰國
信使公入對上顧問甚渥面賜金帶公奏人臣出疆
當識上旨今外議紛紛以謂陛下欲結高麗以伐北
虜而臣獨未知聖意上曰高麗好文又重士大夫家
世所以選卿行餘無他也乃與左番祭奠使自密州
同日發洋公舟五日而達左番飄泊四明踰月始至
夷人素聞公名相與聚觀至於燕飲逾制與夫饋餉
非例者皆卻而弗受還次紫燕島國王運遣二吏
梁谿全集卷一百六十七

八

權小舟以書送館寓金銀器皿四千餘兩公辭之吏
泣曰寡君有命徒歸則死顧左番在國已受公曰左

右番所見不同爾可死吾不可受須臾風迅遂失所

在公有詩曰屢卻張旆使猶畱返壁殮詩因平妥奏

受一作安

偶至上前激賞者久之使還造朝擢中書舍人賜三

品服上顧問曰卿與高麗王書云免諸梁陰陽之患

悅勝文哭泣之哀可謂得體矣哲宗卽位差權攝開

封府正官還自頓遞乃罷元祐元年移給事中繼除

龍圖閣待制權知開封府事初莅事日吏欲試公訟

牒至七百餘公徧閱折而爲三施行者纔百數懲而遣者數十人餘悉緘識戒以後勿復來閱月有再至者公詰其故弗服命吏取視之無少差一府大驚命曹掾省併文具以十爲一革簿書相仍重復之弊有戚里子憑藉無賴屢犯禁公治其罪而後奏宗室有任節度使者市賈人米千斛久不償直公移檄諸司糧料院畱券責俸積及其數呼賈人付之有蔭人尹紳訟繼母竊亡父家資改嫁公奏紳旣不能養使繼母改適又以盜家資爲言不可以訓特不用蔭杖而羈於旁郡以礪風俗御史臺吏人遣其妻訟本官不法事公命杖之翌日吏自來持一器若有所貯置階庀前訴妻方娠昨蒙杖而墮公熟視狀遽判杖其脊吏不服呼請罪名公不顧徐曰汝家安在適從何來來得無越御路耶吏再拜而出京城法以尸由御路者徒二年公遇事敢斷皆此類也京師嘗大雨雪公密啓母后以匱具三十餘萬緡貸貧甕者公躬率僚屬徧歷委巷排戶而給之都人素喜博塞公禁之甚嚴至是取旨大縱酺博民間驩呼細民賴以獲濟公

平時未嘗私見宰執一日白事司空府有典謁吏卽
客次袖牒陳事公曰此非受訟之所何不來府中吏
有所恃頗偃蹇卻之不去公叱下械送府獄杖遣之
八座中有扣留侍婢不欲歸其母者母訴於府爲移
文不報公命追其家奴付獄根治卒取而歸之又臺
臣有折簡私祈寬門警所負者公立其介於庭呼醫
促其期限由此浸忤權近人多側目觀望捃撫細故
交章彈擊哲宗照知其故特詔放罪公奏謝有曰亂
吾治者常二輔掣其肘者非一人又曰德音始下公

梁谿全集

卷百十七

十

議獲伸仰皇明之燭幽覺羣邪之奪氣其不可屈如
此三年春以獄空遷秩公辭不得已乃受而言者復
論獄空非實公不自明力乞補外乃以本職知越州
兼兩浙東路兵馬幹轄公旣懷絃故鄉過家上冢揮
金親舊日引賓客飲酒賦詩訟庭蕭然至終日無一
事蘇翰林軾時帥錢塘唱和往來無虛日當時以比
元白四年移知瀛州兼高陽闕路安撫使馬步軍都
總管爲帥鎮靜邊人安之除江淮荆浙等路制置發
運使行次符離召拜工部侍郎復遷戶部嘗因轉對

論六曹事多迂滯省官莫肯裁決又諸曹所受詞牒
多不經由所屬願申飭中外遵守詔條其言切中時弊
七年夏除知青州兼京東路安撫使復留權戶部尙
書奏罷戶部獄措置麴院是歲郊禮公前期奏對計
辦日坐直舍臨智永師草書沛然有餘暇詔館伴北
使於同文館時朝廷欲變帳法事且行矣公抗章爭
之帳法得不改會尹政不修盜賊公行除龍圖閣直
學士再知開封府公具奏力辭以謂前愆不辯後效
難施優詔褒答公不得已視事不數日滯訟一空羣

梁谿全集

卷百六十七

二

盜奔走蘇軾時爲禮部尙書每俟公治事時送詩求
和公不廢決遣卽次韻答之辭意贍麗軾大驚以簡
謝曰電掃庭訟響答詩筒亦數年來故事也其爲當
世所重如此八年春爲大母山陵頓遞使事畢還開
封屬章惇入相公見上具言嘗行惇謫辭願乞骸以
避時宰不聽紹聖元年翰林闕學士惇三薦林希不
行因問上所欲用上曰錢某豈不可爲翰林學士耶
卽日除公學士知制誥兼侍讀經筵進見多詔留身
因得款陳天下事哲宗益眷倚之嘗論朝廷之盛人

物爲先今三館育材之地寂寥無聞乞詔大臣及近
臣各舉所知引見考實實之文館以備器使又論禁
軍逃亡滿限捕獲得以案問免罪非是庸軍決配不
到配所者十常七八爲患不細乞嚴修軍制又請就
郊祀赦恩移放浚坐編管人事皆施行一日上許公
郊祀後除執政公惶恐伏地叩頭辭避及親祀詔公
驟乘以備顧問公以足疾不能久立爲解得免而大
臣之忌公者日夜求所以去公之術禮部奏公所撰
導駕鼓吹詞差互詔改正之不能動會草右丞鄭雍

梁谿全集

卷百十七

七

乞出批答詔書臺臣論公批答中有羣邪交攻之語
爲附會元祐章累上不出言者不已至全臺並進乃
罷公諭苑以本官出知池州公旣行臺臣以狀首前
所言弗容羣枉誤爲羣邪交攻朝廷旣不問公亦不
辯也公在池陽二年爲政寬簡得士民心四年冬有
旨移知和州命未下公以十一月丙辰卒於官舍正
寢享年六十有四明年二月庚申諸孤奉公之柩葬
於開封府開封縣汴陽鄉中邊村將相里祖太尉公
之域公娶呂氏故相文穆公蒙正之孫龍圖閣學士

居簡之女封東平郡君贈越國大夫人先公五年卒
至是合祔焉子男十二人曰杲卿朝請大夫致仕曰
東美朝請郎主管京東排岸司曰朝隱承議郎通判
袁州曰魯望承務郎京西轉運司主管公事曰端已
朝散大夫知泰州曰德輿朝散大夫行衛尉少卿曰
延碩承事郎監鄆州酒務曰伯言左大中大夫提舉
江州太平觀曰君魚將仕郎曰伯牛未仕其二入早
夭女四人長適朝奉大夫諸王府侍講句頴次適朝
奉大夫通判大名府俞授次適朝請大夫荊湖北路

梁谿全集

卷百十七

三

轉運判官應通次適端明殿左通奉大大提舉嵩山
崇福宮王孝迪孫男十八人曰淨曰潛曰消迪功郎
權國子博士曰涌曰衍迪功郎代州繁峙縣主簿曰
灝曰沈曰濱曰溥秉義郎曰渾曰潛曰濤曰洵將仕
郎曰澁右儒林郎曰淳曰溫右承務郎曰注右宣義
郎曰澣孫女二十三人公在仕途幾五十年積官至
朝議大夫勲上柱國爵會稽郡開國侯食邑一千二
百戶惟錢氏當唐末以武功起東南據有二浙而能
尊中國劾臣順以應寵命金印玉冊世祚王爵以撫

吳越及宋興知天命所在頭首自歸不煩干戈一方
士民克保其生弗識兵革陰功盛德慶流子孫枝葉
扶疎冠冕聯膺受福祿不可勝紀而公之祖太尉
公始以文章顯於咸平天聖間考諫院公以忠言讜
論受知仁祖至公以才學事神哲宗閔闕聲望益以
光顯又自太尉公諫院兄弟及公與從兄故樞密直
學士藻皆以制科取重名於世而公之從祖文僖公
惟演逮公三世五人掌絲綸之職公之諸子杲卿東
美朝隱魯望相繼登科德輿伯言皆賜上舍第致位

梁谿全集

卷一百一十七

西

通顯衣冠世族儒學之盛甲於本朝天之報施詎不
信哉公資性豪邁善議論使人聽之忘倦早以字行於
世方處場屋已爲一時英俊之所推許及登侍從內
外制詞膾炙人口有文集一百卷名會稽公集所爲
文章雄深雅健得西漢體作詩清新遒麗長於用韻
工行草書有魏晉人筆法嘗自愛重未嘗輒以與人
平居愷愉樂易與朋友交終始如一尤精鑒裁所推
薦多達者弟姪婚宦皆經其手收養孤遺家常二百
口儉約均一內外無間言其行已大略如此元符三

年春太上皇帝卽位追復公龍圖閣學士官其子三人明年黨論興欲寢前議伯言上言論列得不追降因是免降者四十餘家崇寧元年又以黨籍刻諸石大觀二年再看詳公等出籍者十數人三年伯言以公在翰苑所草潛藩加恩制呈有詔特贈正議大夫公之葬開封也方在謫籍中不克銘於墓建炎元年某月諸子遷奉公及三世之喪葬於鎮江府金壇縣某鄉之原方朝廷大除黨籍之禁而收錄其子孫旌別淑慝煥然明白乃論誤公平生行事以狀來請銘

梁谿全集

卷百零七

七

余雅聞公之賢德其敢以固陋辭銘曰

錢氏之先 有功二浙 世濟忠順

保有吳越 歸於有道 投龜而決

子孫誥誥 福祿無闕 篤生異人

惟會稽公 高明博達 直諒公忠

克舉賢科 紹其家風 對策大廷

燁如長虹 聲聞四馳 浸階臚仕

蹕驪得路 一日千里 蟠根錯節

游及歷試 千將遇物 不勞割制

簡在帝心 將命絕域 文采風流

遠夷矜式 張壇却使 留殮返壁

達於宸聰 當宁歎息 三尹京邑

政聲著聞 威讐豪右 惠養小民

決遣如流 摘發若神 談笑而治

羣盜以奔 代言西掖 視草玉堂

高辭大筆 黼黻文章 詩句風濤

字畫鸞翔 萃此眾美 鬱為邦光

鬱一
作蔚

經筵啟沃 密受眷知 同朝忌冒

梁谿全集 卷一百零七 六

共排去之 王佐之才 卒不獲施

昊天不弔 哲人遽萎 黨論之興

踰三十年 胎禍基亂 閉塞忠賢

大明方升 公議日宣 微公誰歸

願作九泉 粵自沐陽 遷窆京口

廡廡崇岡 水深土厚 卜居其吉

安固永久 勤此銘詩 以告厥後

梁溪先生文集卷第一百六十八

特進觀文殿大學士致仕隴西郡開國公食品

四千四百戶食實封一千七百戶贈太師諡忠

定李綱著

墓誌二

故秘書省秘書郎黃公墓誌銘

宋故左中奉大夫直秘閣張公墓誌銘

梁溪全集

卷一百六十八

一

宋故左中奉大夫直秘閣張公墓誌銘

故秘書省秘書郎黃公墓誌銘

墓誌二

定李綱著

四千四百戶食實封一千七百戶贈太師諡忠

特進觀文殿大學士致仕隴西郡開國公食品

梁溪先生文集卷第一百六十八

故秘書省秘書郎黃公墓誌銘

公諱伯思字長睿父姓黃氏其遠祖自光州固始徙居閩中爲邵武人曾祖汝濟贈太師曾祖妣高氏贈相國太夫人祖履任資政殿大學士會稽郡公贈特進祖妣段氏封魏郡夫人考應求任奉議郎饒州司錄事妣王氏封仙源縣君繼李氏封真寔縣君任氏封華容縣君會稽公由布衣擢高第以德行文學被遇三朝致位丞弼號爲名臣公其適長孫也公天資警敏風度夷粹幼不好弄惟喜讀書日誦千餘言

梁谿全集

卷一百零八

二

每聽會稽公講論經史退與他兒言無遺誤者會稽公尤鍾愛之伸晨夕侍左右躬自訓導任爲假承務郎嘗夢孔雀集於庭覺而賦之詞采甚麗識者知其爲文祥也故右文殿修撰贈太師李公會稽公之甥也於公爲外伯父儒學冠一時會稽公命公師焉殖學積文根底淵源益臻閩粵年甫冠入太學與宿儒寒峻校藝屢占上游優與薦遂過南省屬哲廟升遐天子諒陰不言詔罷廷試公名在行間不得據其蘊會稽公將以恩例繼奏俾增秩公固辭由

是益奇之時朝廷方以宏詞取士公將應其科肄業不輟人皆謂公決中高選屬會稽公薨公以哀毀得羸疾竟不遂所志士論惜之初公未第前以銓試高等調磁州司法參軍久之任至是改通州司戶

內作戶

丁內艱不赴服除授河南府內曹參軍公平居篤志文史視世務逸然不以經意其掾洛陽也衆謂會府劇曹難於稱職而公應事接物游刃有餘不勞而辦洛陽故都素號衣冠藪澤公以餘暇與其賢士大夫遊從容翰墨間相得甚適秋滿當受代故資政殿學

梁谿全集

卷百零八

三

士鄧公洵武實司留鑰惜公之去辟知右軍巡院公亦樂其山水人物之勝因留不辭蓋留者又二年朝廷有知公者除詳定九域圖志所編修官兼六典檢閱文字改京秩尋差充監護崇恩太后園陵使司掌管牋表以修書恩陞朝列擢秘書省校書郎未幾遷秘書郎既入館縱觀冊府藏書雅愜所好耽玩至忘寢食在館踰再考丁奉議公憂公性至孝自幼失母繼母真盜君華容君復相繼捐館舍執喪咸以孝聞素抱羸瘵至是不勝哀毀疾遂以劇釋服至京師清

癯骨立而嗜學不倦蓋如昔也復除舊職不數月竟不起疾寔政和八年二月二十有六日也公初不甚信釋氏遭會稽公喪讀佛書恍若有悟遂篤好之奉事精謹將沒之夕沐浴易衣西嚮修念佛三昧而逝家無餘資盈篋笥者書籍而已公體弱如不勝衣而風韻洒落飄飄有凌雲之意遇人謙謹恂恂然如不能言而高明閎達善著書揮毫數千言倚馬可待自幼學至強仕手未嘗釋卷其所至雖假室暫寓必求明牕淨几圖史滿前欣然處其間誦習述作皆有度

梁谿全集

卷一百六

四

程寒暑不易故其所學汪洋浩博上自六經下至諸子百家歷代史氏之書天官地理律歷卜筮之說無不精詣又好古文奇字官洛下得名公卿家所蓄商周秦漢鐘鼎彝器欵識研究字畫體制悉能了達辨正是非道其本末遂以古文名家在館閣時當天下承平無事詔講明前世典章文物修輿地圖集鼎彝古器考訂真贋公以素學與聞議論發明居多館閣諸公皆自以爲莫能及也與同僚襄陵許翰尤相善翰喜述作所解太元經諸書有疑義多就公質

之是時士務浮競枝辭蔓衍趣時好以取世資公獨
退然無營寓意古道所學最爲絕俗文辭雅健格高
而思深歌詩俊逸清新迫古作者蓋公之學問慕揚
子雲文章慕柳子厚詩篇慕李太白此自其平日所
稱道也有文集五十卷藏於家公尤精小學凡字畫
討論備盡本朝淳化中博求古法書命待詔王著緒
正諸帖公病其乖僞龐雜作刊誤二卷考引載籍咸
有依據而公之書正行草隸皆精絕初倣顏柳後乃
規摹鍾王筆勢簡遠有魏晉風氣得其尺牘者多藏
梁谿全集

卷一百六十六

五

去也嗚呼世之所謂好古博雅君子與夫直諫多聞
之益友者非公其誰當之公亦頗好道家之言自號
雲林子別字霄賓其再至京師也夢人告之曰子非
久人間上帝有命典司文翰覺而書之再不踰月遂
謝世其事頗與李長吉王平甫同亦異矣夫公自假
承務郎六轉至朝奉郎自磁州法掾六遷至秘書郎
娶張氏故朝奉大夫直龍圖閣淮南路計度轉運使
根之女男二人長曰詔今爲右宣教郎前充荆湖南
路安撫都總管司書寫機宜文字次曰訥石從事郎

新差福州懷安縣尉女一人適故兵部侍郎鄒公浩
之子曰相今爲右承務郎監潭州南嶽廟孫男二人
曰祿曰祐惟公之歿葬於鎮江府丹徒縣招隱山之
麓距今蓋十有七年矣方葬時詔尚幼不克銘於
墓大懼湮沒先德乃狀公平生行事來請銘某於公
中表姻婭相與甚厚義不得辭銘曰

天地和氣

清微淑靈

山川炳煥

草木敷榮

公稟其秀

瑞時以生

歧嶷之資

見自幼齡

風神凝遠

梁谿全集

卷一百六

六

玉粹冰清

溫良端恪

祖訓是承

孔翠之祥

乃以文鳴

含英咀華

休有俊聲

來遊賢關

全譽騰躍

遂登儒科

靡此好爵

筮仕之初

於邑西洛

簿書粗辨

寓意寥廓

發聞惟馨

高步館閣

縱觀羣書

得其所樂

貫穿古今

見聞日博

沉酣耽玩

心醉於學

根深華茂 其詞如雲 文章典雅

詩句清新 人皆窘束 我獨淵淪

追古作者 超類軼羣 夏鼎周鼓

鐘鐃彝樽 雲雷刻畫 繚云繆文

銘章欵識 研究本根 洞視千古

別其膺真

下逮小學 訂正精明 字畫之妙

晚臻老成 有正有隸 有草有行

鸞翔鵠峙 嶽立淵停 兼資衆妙

梁谿全集

卷一百零八

七

以大其名 身反不昌 遽速殞零

蘭摧桂折 鳳去梁傾 莫詰其由

歸於杳冥

白玉樓成 上帝有詔 徃司文翰

脫屣塵淖 世間夢幻 孰非顛倒

壽夭升沉 竟亦何校 京口之藏

既安宅兆 十有七年 星流電掃

子孫方興 天有顯報 追作銘詩

萬世之告

宋故左中奉大夫直秘閣張公墓誌銘

公諱植字次東姓張氏世爲黟歙人唐末避地徙家鄱陽故今爲饒之德興人曾祖某大理寺評事祖某不仕以隱德聞父某累贈中大夫張氏爲鄱陽著姓中大公篤學勸行爲鄉里所推游從皆一時名士然所向不偶老於場屋乃刻意教訓其子而公卒能以才學取顯仕用承其志人謂大中公有子矣公自幼岐嶷不凡誦書日千餘言及長學有淵源於經術洞探指歸作爲文詞不蹈襲前人自出胸臆汪洋雅健

梁谿全集

卷一百六十八

八

聲名籍甚試有司輒與高選遂中元祐九年進士第調邵州邵陽尉遷衡州衡陽令常謂縣令品秩雖卑然受百里之地於天子而牧養之親民之官莫甚於此其敢鹵莽滅裂剝下奉上以取世資故其聽訟蒞政纖悉必親多酌以情不拘於法而邑大治郡守監司有所求求於理不可未嘗輒從好人獨胥洞照情狀束縛嚴甚不敢搖○以故一方畏而愛之郡有小校憑守將勢爲邦人患一日以事托邑公痛懲之守將雖不平而公治無釁卒莫能逞憾政聲暴著至今

士大夫猶能道之以舉者改京職知宣州南陵縣事
其治南陵猶衡陽然不旬月而報政方朝廷以東南
當五錢多私鑄者爲不便更張錢法獨行於西北公
謂佐官曰是錢民間行之已久驟置不用則細民折
兌所喪多矣曷若開帑受之以準宿賦使公無負租
下不怨咨而移諸西北於縣官初無損也權宜行之
民得其賜至畫像以祠邑有貴游子負豪干撓縣事
前政莫敢誰何公至略不假借之氣奪少戢然其心
不快至是造謗以誣讎公竟坐廢格詔令罷然識

梁谿全集

卷一百六

九

者奇公英達果於從政所蓄巨量未易以繩墨議也
未幾朝廷有知公可任者擢提舉黔南坑冶黔南
地邊蠻貊異時部使者憚於臨按奸弊百出公至則
躬行責寔宿弊盡蠲已而邊帥罔功謬論軍事以罔
朝廷公疾之以寔間遂以越職免及帥以計窮朝
廷察見其妄他司以緘默罷乃復公提舉淝水輦運
未行會新廣鹽轉般之法遴選計臣除公廣東轉運
判官有旨會鄰路使者議於界首時公從兄龍圖

公漕相將漕江西適當其事使節相輝聯牘上議薦

紳榮之就遷提點刑獄旋移江東是爲鄉部中大公
與士夫人時皆康寧安輿就養子舍鄉閭歆艷一時
士大夫有風木之感者因以爲不可及也再從江西
相繼丁父母憂執喪惟謹服除提點京西刑獄京西
歲比不登飢民相挺爲盜幾半部封公以計策藏渠
魁而散其聚所全活者以鉅萬計進直秘閣陞河北
轉運副使虜騎南牧三鎮並警比門帥不協人望喜
亂者揭榜通衢以搖我師公曉譬將士壞其機牙奸
不得發後以論事不合罷建炎初除江東提刑有張

梁谿全集

卷一百六

十一

遇者乘舟沿江大掠境上公搃兵募民隨機捍禦賊
不敢駐事平得請提舉亳州明道宮歲滿起知宣州
纔下車適有兵薄城公倉卒應變守禦之具順旨
皆備衆以宵遁復提舉江州太平觀執政者惜其去
起而知肇慶府命下不及受以疾不起實紹興二年
十一月庚午也享年六十有三積官至左中奉大夫
職直秘閣爵德興縣開國男封邑三百戶娶周氏繼
徐氏皆封令人三子曰炳曰燿皆將仕郎曰灼登仕
郎一女適士人臧漢之四孫曰垣曰垆皆登仕郎餘

幼未名公稟性剛果卓犖不羣喜功名尚氣節遇事
敢爲雖屢挫而不屈其治縣有異績爲部刺史揚善
嫉惡凡所施爲皆不勞而辨居家事親孝於兄弟友
疎財好施不輕爲然諾與人交豁如也善議論洞達
機會每接賓客酒行氣振抵掌談笑常屈其坐人建
炎初余自湖湘趨行在所與公邂逅江上相與論世
故慷慨奮勵其言亶亶可聽竊歎其才高而御翔之
久方欲薦用而余罷政未幾公亦就閑其後歸自海
上見公於德興把酒道平生公雖已病猶未覺有衰
憊意後二年乃聞公訃哭之爲慟作文以祭之嗟乎
如公之才氣其自期豈止刺一路與一郡而已哉胸
中所蘊百未一施而遽已矣此所以深可痛惜也其
孤將以紹興四年二月己酉奉公之柩與合人周氏
合葬於縣銀山鄉水西之原先期以狀來請銘余辱
姻婭且相知之厚義不得辭銘曰

豫章飜風 含棟梁志 用非其所

曷若棄置 騏驎飽粟 一日千里

使駕鼓車 凡馬何異 士有傑才

鬱爲國器 厚蓄薄施 命有所制

嗟嗟次東 孝友信義 抱卓犖姿

負剛果氣 意象軒豁 偉於論議

割治煩劇 刃有餘地 任重致遠

何所不至 刺部典藩 職是中秘

位至於斯 有識長喙 銀鄉之原

幽宮永閔 猗安其居 後人之利

梁溪先生文集卷第一百六十八

梁溪全集 卷一百六十八

士

08561

